

porro praecavebunt Fidelitates Vestrae, ne novis per Graecos non unitos prae-
via de causa intentandis motibus quaeipiam per Incolas praesertim unitos in Di-
strictu Banalis Jurisdictionis degentes ansa praebeatur. In reliquo Gratia et
clementia Nostra Caesareo Regia ijsdem Fidelitatibus Vestris Benigne ac Ju-
giter propensae manemus. Datum in Archi-Ducali Civitate Nostra Vienna Au-
striae, die Decima Tertia Mensis Septembris. Anno Domini Millesimo Septingen-
tesimo Quinquagesimo Tertio.

Maria Theresia m. p.

Comes Leopoldus de Nadasd m. p.

Bernardus Konchek m. p.

(Locus Sigilli Regii)

Indorsationis Tenor :

Reverendis, Honorabilibus, Spectabilibus, ac Magnificis, Magnificis item,
Egregijs, et Nobilibus, nec non Prudentibus, et circumspectis N. N. Regnorum
nostrorum Dalmatiae, Croatiae et Sclavoniae Universis Statibus et Ordinibus, et
fidelibus nostris Dilectis. Zagrabiae ex Officio.

Articulus Decimus Quintus.

*Dominus Vice-Colonellus Antonius de Zetvicz, in Indigenam antehac receptus, solito
Juramento obstringitur.*

Quoniam Domini Status et Ordines Regni Articulo 32 novissimae
Eorundem Congregationis Dominum Antonium de Zetvicz, Suae Majestatis Sacra-
tissimae in Generalatu Carolostadiensi unius Regiminis Pedestris Ordinis Vice-
Colonellum, ejusdemque universos Haeredes Masculos, ob specialia Ejusdem
anteactis Annis in Regno praestita servitia, et ixinde non vulgaria Sibi compa-
rata merita, in Numerum et coetum Regnorum Dalmatiae, Croatiae, et Sclavo-
niae Nobilium Indigenarum cooptassent et assumpsissent; Ideo idem Dominus
Vice-Colonellus in praesenti Dominorum Statuum et Ordinum Generali Congressu
solitum Indigenarum deposuit Juramentum.

Articulus Vigésimus Secundus.

*De duodecim Nobilium Juvenum Hungarorum et Croatarum in Fundatione Chaoziana,
Viennae erecta, accomodatione.*

Maternam profecto curam et solitudinem Suae Majestatis Sacratissimae,
ex Clementissimo Ejusdem de dato Viennae Austriae die 19. decurrentis Mensis
Novembris et Anni Emanato Rescripto, in profundissima Animorum subjectione
intellexerunt Domini Status et Ordines Regni, quomodo pro eo, quo inter cae-
teras Haereditarias Provincias et Ditiones suas erga hocce quoque Croatiae Re-